

SECTION B

Nungzui Hih nading Dinmun Bulpite

1. Dinmun bulpi Hoihte a Thupina	50
2. Asi Nasepnate Pan-a Kisikkikna	54
3. Pasion Lam Manawh Upna	57
4. Thuiphumna Thuzuih/Upna	60
5. Khut Ngakna	65
6. Misite Thawhkikna	68
7. A Tawntung Thukhenna	72

1. Dinmun bulpi Hoihte a Thupina

- a) **Laisiangtho bulphuhte** Heb. 5:11-6:3; Lk. 6:46-49;
1Cor. 3:10-15; 1Pet. 2:5.

b) **Thupatna**

Dinmun bulpi khat pen inn khat na lam nading na khut hi. Tua dinmun bulpi in a kilam innpi pua hi. A taktak in a kilam inn khan khat siatte tua dinmun bulpi tungah kinga hi. Tua in a hoih, a thuk, a kician dinmun bulpi a neih leh, bangbang nawng kaisakna a om zong in tua innpi kho ding hi. Tua bang ahieh keileh, haksatna a tun teh tua innpi puuk ding hi. Zeisu nungzui i hihna ah i nuntaknate pen kha innte hi. Laisiangtho sungah tua innte pen "Khasiangtho tenna biakinnpi", (1Cor. 6:19). Pasion Biakinnpi (1Cor. 3:16). Pasion inn *(1Cor. 3:9), leh Kha inn (1Pet. 2:5). ci hi. Tua dinmun bulpите hoihtak in a kiphah leh a khauh, a sang leh haksatna a dalzo inn pite zong kilam thei hi.

c) **Kingakna Dinmun bulpi Zeisu**

"A kiphahsa Zeisu Khazih longal a dang dinmun bulkip dang kuamah in phah thei lo hi." (1Cor. 3:11).

Inn khat lam nading a a hoih penpen dinmun bulpi pen suangpi hi. Inn golpi khat suangpi tungah a kilam theih nading in suangsi, sehnel, leitang, buan leh suangmuatte a kihhepkhiat kul hi. Zeisu Khazih tung ah a hih kei ngal leh bangmah lam loh ding hi. Amah i suangpi hi a, (1Cor. 10:4). Amah in a han/puak keileh bangmah i sep i lamloh ding ahi hi. Hih thuman khel lo a, na khat peuh i lam leh, tua ni (thukhenni). in hong tangsak (Light). ding hi. Banghanghiam cihleh i lamsa khempeuh kize-et dinga a om laite bek hangin thaman ngah ding hihang (1Cor. 3:10-15). Pa in a sep a muhte bek Zeisu in panpih ding hi (Jn. 5:19). Tua hi a, eite nuntakna ah Pasion deihna eite in i dot ding leh i sep ding ahi hi. Tua khith teh Zeisu in a puak/anah na muding hang a inn lam kipan thei ding hihang.

d) **Suangpi maw sehnel?**

Lk. 6:46-49 ah Zeisu in inn lam dan namnih gen hi. Sehnel tungah (akiplo dinmun bulpi). aih keh suangpi tungah (a kip dinmun bulpi). hi. Mitampi, Christiante tampi na ngawn kihel in a kip a kho lo dinmunte tungah a nuntaknate uh lam uh a neih leh lam, ngim leh tup, kimawlana pilna, thungaihnutna leh mite ngeina leh pilnate kihel hi. A kip a kho suangpi dinmun bulkip pen Topa Zeisu Khazih bek hi a, amah pen a nungta kammal (Thu man). ahi hi.

(i) **Bangin nuntakna kician lam hiam? (V47).**

'Ka kiangah hong pai mi'	-	Zeisu tawh kizopna
'Ka thu a za mi'	-	Ama kammal zakna
'Azui pahte'	-	Ama deih bang sepna

(ii) **Mi khat in za napi sem lo in om thei hiam?**

'Banghang in Topa, Topa, ci napi ka gen bangin hih lo na hi uh hiam?' hih pen Thu/Kammal thei napi a seploh na hi.(James 1:21-25 ah zong en in.)

(iii) **Thu za-a a semte bangtawh kibang hiam? (v 46).**

Amah pen innkhat a lam, leisung thukpi to suk a, suangpi tungah dinmun bulkip

a phah mikhat tawh kibang hi. Amah in Suangpi leh ama kikal a na khempeuh hemkhia hi. Leisung thukpi tawh kul ahihman in a man tampi bei leh huntampi a bei zong in, a muan huai dinmun tungah kician in bawl hi.

(iv) **Banghang in suangpi tungah innlam ding kisam hiam?** (v48b)

'Tui hong khanga, tui hual in tua inn nawk hi.' Hih pen nuntakna ah huihpi leh tuihual a tuah ding a ngeina hi (Heb. 12:25-29). Kuamah tua huihpi leh tui hual pan suakta thei lo hi.

(v) **Suangtunga inn bang hong ci hiam?** (v 48b)

Tua inn limtak in kilam ahihman in, suangpi tung kilam ahihman in kiling lo ding hi. I Christian nuntaknate ah tuihual huihpote a om ding mah hi a, ahizong in Pasion kammal za in i sep leh tua huihpi, tuihualte in hong lingsak zo lo ding hi.

(vi) **Dinmun bulkip a nei lo inn bangci hiam?**(v 49b)

"Tui khanga tua inn a nawk phetin puk a, a kisia ngingei hi." I nuntakna ah a kip a kho lo dinmun bulkipte, i phawk ding, i theih ding, leh Khasiangtho huhna tawh suangpi i tuah ding i tawhkhiat mang ding kisam hi.

e). Tua khit teh bang?

Christiante i hihna tawh i nuntakna a dinmun bulpote thupi lua ahihman in Picin'na ah i tun nading tuate lo tawh hi thei lo hi. Heb. 6:1-3 ah i Christian nuntakna i lam nading dinmun bulpi thuman pawl khat kigual a, (1upna dinmun bulpote cih ding hi.), Pasion phalna tawh picin'na om thei lo hi. Amaan dinmun bulpi i phah keileh, i kha inn i lam suak theih nading in 'inn lam nading phalna' Pasion in hong pia lo ding hi. Christian tampite a 'pianthak' khit uh kum tampi hi khin napi in, picing lo uh hi. Tua bang mite pen in midangte hih in amau nungzuite mahmah pantah dingin kilawm napi Khazih sungah naungek in om lai uh-a, antak anham sangin kha nawitui peuh kisam lai mawk uh hi (Heb. 5:11-14)

f) Christiante sungah Picin' lohna thute

(i) **Thungaihna ah cimtak**

Hih Christiante pen tha zawngkhal in kikhin nuam lo uh a, hihte sungah utna leh tawsawna nei lo uh a, tampite in lunglutna tawh kipan khin napi in kum tampi sung hici bang mah in om uh hi.

(ii) **Mawh puakna neilo**

Hite pen a khangto ngeilo Christiante hi a, a khangcing sate bang hi le uh kilawm napi naupang vai lai uh hi.

(iii) **Kihelna om lo.**

Hih Christiante in na khat peuh piakhia lo in, mi tamsak bek uh hi a, mi tampite kum sawtpi sung hi bangin om uh hi.

(iv) **Khentelna om lo**

Hih Christiante in hun tampi ah a pha leh a sia koi ci khen ding cih nangawn thei lo uh hi.

(v) **Kipna, khona om lo**

Thubuai khempeuh in hih Christiante lokkha a, khalam ah a lengthei kau (pangpalek). bangin zuih ding a kician thuhilhna khat pan a dang thuhilhna ah

pawlp khat pan a dang pawlp ah khat ah leng kawikawi uh hi.

g). Picin lohna a hangte

(i) Tuatē piangthak takpi ngei lo

I pianthak ciangin a kikhial thei lo thu om hi.

- Khasiangtho teci panna (Rom. 8:16)
- Eite "Mi thakte" hihang (2Cor. 5:17)
- Pasion thuman ding lunggulhna kinei hi (1Jn. 2:3)
- Christian dangte it hihang (1Jn. 3:14)
- Pasion deina sem hihang (Matt. 7:21)
- Pasion thu tuiduh in kiduh hi (Psa. 42:1-2).

(ii) Thudonlohna

Khalam ah kituak in amau leh amau kikeem thei lo uh a, mikhat peuh tawh kilek kawikawi uh hi.


(iii). Thuman lohna

Pasion in na khatpeuh a sep ding sawl a, semdinga a khensat dongun lungduai takin aman ngak hi.

(iv) Kihelzauna

Amaute in 'leengguite a susia ngia note' phal uhhi (Solomon late 2:15). A utut un gamta uh a a leitung ci-le-sa deihna vive zui uh hi. Tuabang migina lote tawh kithuah khop nuamsa uh hi. Tua bangin Khazih mi hihna pan pialkhia uh hi. Pasion lampi tawh kithutuak lopi in amau ading nate sem uh hi. Pasion sangin a huaihamna angung lunggulhnate mang zaw uh hi. Tu in hihte in amaute lencip in Pasion tawh a tonkhopna uh susia hi. Pasion lungkimsak ding leh amau leh amau kilungkimsak ding kikal ah nuntak ding hanciam uh hi. Tua tawh Pasion nasep na ah gah pha leh a lawhcing nuntakna a neih sangsik un, lungkhamna leh lungkiatna tawh kidim uh a, amau leh amau hi taleh Pasion hita leh lungkimsak zo lo uh hi.

h). I upna Dinmun Bulkip Lahkhatna khat



i). Dotnate leh kikupna te

1. Banghang in i nuntakna i lam nading Zeisu bek a kip a kho dinmun bulpi hiam?
2. Banghang in na nuntakna na lam nading ah neih leh lam, kimawlana, pilna, thungaihsutna, mite ngeinate, mite pilnate leh biakna dinmun bulpita, a khenkhat nangawn in a kiplo, a kho lo suak hiam?
3. Suangpi aihkeh sehnel; koi pen hiam nangma dinmun bulpi? (Matt. 7:24-27)
4. Zeisu ahi, suangpi ciang i tun' theihna ding i nuntakna ah a paihkhiat ding bang nate hiam? Khasiangtho huhna tawh tuate nasem nuam hiam?
5. Pasion kammal i zak leh i sim teh, ahi ding bangin i mang hiam, aihkeh tawm bek maw bangmah lo maw i sem hiam?
6. Amaan dinmun bulpi na lam nading in bang kalsuan ding kician sak thei in, na nuntakna lampi ah huihpi tuihuaite hong tun teh bangmah kisap na nei lo in na om hiam?
7. 1Cor. 3:1-3 sim in. Banghang in a beisa kum 2000 dektak lai bangin tuni pawlpi tampite ading hih Laisiangtho mun kizang thei lai haim?
8. Banghang in Christiante tampi in Pasion sungah picing lopi in lungkim uh hiam?
9. Na nuntakna sungthu tampite ah na donloh leh na helzauna mun a om hiam?
10. Kha nawizu bang hi a, kuate kipia hiam?

j) Tom lakna leh Zatpahna

1. Ama nungzuite i hih mah bangin i nuntakna dinmun bulpita i lam nading pen Zeisu Khazih hi.
2. I nuntakna ah dinmun bulpi ding in Zeisu tungah i lam na ah hong khak tan thei khat peuh pen Khasiangtho huhna tawh i hep khiat ding ahi hi.
3. Ama nungzuite i hihna tawh ama kiangah i pai ding a, akammalte ngai in i zat pah ding Zeisu in hong deih hi.
4. Pa Pasion lunggulhna pen ama sungah picinna ah Christian khempeuh i khantoh ding hi a, hih pen ama phalna lo tawh piang thei lo hi.
5. Pasion in dinmun bulpi maan i phah ding hong deih a, ama sungah i picin nading in, kha nawizu pan a taksa zaw ante i nek nading in a man hong la ding hi.